

Euskara-ikasleak mailaren arabera. EAE

Definizioa

Euskal Autonomia Erkidegoko euskaltegietako euskara-ikasleen ikasmaita eta ezaugarriei buruzko datuak ematen ditu adierazle honek.

Helduak Euskalduntzeko Oinarrizko Curriculumean (HEOK) jasota daude euskaltegietako euskalduntze-alfabetatzearen oinarri pedagogikoak. Bertan zehazten dira euskalduntze-prozesuaren ezaugarriak:

- mailak: prozesua sei mailatan banatzen da
- trebetasun bakoitzean lortu beharreko helburuak
- edukiak:
 - 1) eduki pragmatikoak (testua eta testuingurua)
 - 2) eduki formalak (adierazpide linguistikoak, adierazpide testualak eta adierazpide pragmatikoak)
 - 3) eduki psikolinguistikoak (azpi-trebetasunak eta estrategiak)

Helduen euskalduntzean, gaur egun, curriculumarekin batera, oso tresna garrantzitsua da Europako Erreferentzia Marko Bateratua.

Hedadura

Euskal Autonomia Erkidegoa (EAE)

Aldagaiak eta kategoriak

- **Eremu geografikoa:** EAE, Araba, Bizkaia eta Gipuzkoa
- **Ikasmaita:**
 - **A1 (Hasierako erabiltzailea):** gai da eguneroko harremanetan eta aurrez aurreko testuinguru ezagunetan beharrezkoak diren hitzak eta esapide sinpleak ulertzeko eta erabiltzeko, baita berehalako premiei lotutako galderei erantzuteko ere (bere buruaren eta besteren aurkezpena, eta ezagutzen duen jendeari, haien helbideei eta gauzei buruzko oinarrizko informazioa).
 - **A2 (Oinarrizko erabiltzailea):** gai da egoera ezagunetan kideekin (lagun, senide, lankide, etab.) aurrez aurreko elkarreraginean gauzen eta pertsonen deskribapenak eta azalpen errazak egiteko eta ulertzeko, baldin eta bere esperientzia-esparruarekin loturiko gaiei buruzko informazio-truke erraza eta zuzena eskatzen badute: bere buruari eta familiari buruzko oinarrizko informazioa, eta erosketei, intereseko lekuei, lanbideei eta abarri buruzkoa.
 - **B1 (Erabiltzaile independentea):** gai da eguneroko testuinguru ezagunetan eta maila bereko solaskideekin elkarrizketak izateko, gai orokorra eta ohikoa izan eta xedea informazioa trukatzeko denetan. Era berean, gai da lagunei, senideei eta ikaskideei edo lankideei instrukzioak emateko, pertsonak eta objektuak labur deskribatzeko eta gertaeren kontaketa laburrak egiteko. Gai da, baita ere, bere iritziak labur-labur emateko eta bere asmoak azaltzeko.
 - **B2 (Erabiltzaile aurreratua):** gai da, gai orokor nahiz abstraktuei buruz aurrez aurre duen solaskideen zein komunikabideetako esatarien testu gehienak ulertzeko, eta ongi bereiziko ditu ideia nagusiak eta bigarren mailakoak. Gai da lagun eta lankideekin, baita jatorrizko hiztunekin ere, ohiko elkarreraginean jartotasunez aritzeko, besteak jakinaren gainean jarritz, iritzia eskatuz, bere ikuspegia defendatuz, etab. Ohiko gai eta egoera ezagunetan adierazpen argiak egingo ditu. Bere lan-esparruko hainbat gairi buruzko deskribapenak eta azalpenak ere emango ditu alderdi esanguratsuak eta xehetasunak bereiziz, eta bere iritzia ere eraginkortasunez emango du.
 - **C1 (Erabiltzaile gaitua):** gai da lagunarteko, lan-esparruko eta komunikabideetako edozein testu

(elkarrizketak, eztabaidak, azalpenak) ulertzeko; baita inguruko herri-hizkeran sortutakoak ere. Eta gai da, era berean, lagunarteko elkarreraginean, lan-esparruan eta komunikabideetan ideiak eta iritziak jarotasunez eta eraginkortasunez adierazteko. Ongi egituraturako eta osatutako testu argiak eta zehatzak idazteko gai da, ideia nagusiak eta osagarriak bereiziz, eta, oro har, xedea lortzeko estrategia egokiak aukeratuz. Era berean, bere ikuspuntua luze eta zabal adierazteko gai da, ideia osagarriak eta adibide egokiak emanez.

- **C2 (Erabiltzaile aditua):** gai da norbere espezialitateko nahiz gai orokorretako testuak ulertzeko, eta egoerari egokitu, zuzen eta zehatz, arrakastaz ekoizteko. Gai da, jarotasun handiz eta zehatzasunez, gauzak adierazteko, baita konplexutasun handiko egoeretan esanahiaren ñabardura txikiak bereizteko ere.
- **Z: maila** honetan sartzen dira Helduak Euskalduntzeko Oinarriko Curriculum-ean esparrutik kanpora dauden ikastaroak, esate baterako, Euskaltzaindiaren azken arauak ezagutzeko ikastaroak eta hitanoaren gainekoak, etab... Maila hau lehenago Goi-maila deitzen zen haren parekoa da.

Azpi-adierazleak (gurutzaketak)

Euskara-ikasleak, mailaren arabera

Euskara-ikasleak, adinaren arabera

Euskara-ikasleak, sexuaren arabera

Iturria(k): HABE

Iturriaren ezaugarriak

1981ean jarri zuen martxan Eusko Jaurlaritzak HABE erakundea (Helduen Alfabetatze eta Berreuskalduntzerako Erakundea). HABE Eusko Jaurlaritzako Autonomiadun Erakunde bat da, Kultura Sailari atxikia, bere legezko nortasuna duena, Eusko Legebiltzarraren [29/1983 Legeak](#) sortua. Erakunde horren sorrerarekin euskararen irakaskuntzak eite berri bat hartu zuen: profesionalizazioa handitzen hasi zen, materialen ekoizpena ere bai, euskara irakasten aritzen ziren ikastegi guztien erregistroa sortu zen, ikasleen matrikulak informatika bitartez zenbatzen hasi ziren, maila batzuk edo besteak lortzeko behar ziren ikastorduek kalkulatu hasi ziren...

HABE erakundearen sorrerako helburua helduen euskalduntzea sustatzea da, euskara-ikastaroak euskaltegietan ikasteredu ezberdinetan antolatuz, izan aurretik aurreko ikas saioetan, edota internet sarea baliatuz, autoikaskuntza: -e-learning-; edota jardun biko ikastaroetan: -b-learning-.

Lehenengo datua eta maiztasuna

Maiztasuna: urterokoa

Lehenengo datua: 2001-2002

Euskaltegietako ikastaroak eta bestelako zerbitzuak ikasturteko antolatu ohi dira. Euskaltegietan euskara ikasteko eskaintza nagusia ikasturtearen hasieran, urrian, egin ohi da. Hala eta guztiz ere, kontuan hartzekoa da ikasle berriek etengabe ematen dutela izena euskara ikasteko, eta matrikula aldi berriak ikastaldearen berrantolaketa dakarrela berarekin. Bestalde, ikasle askok aukeratzen dute udaldia, uztailetik irailera bitartean, euskarazko ikastaroak egiteko.

Informazio osagarria

Ikasleak eta emaitzak:

http://www.habe.euskadi.eus/s23-4728/eu/contenidos/informacion/ikasleak/eu_9721/ikasleak.html

Irakasleak:

http://www.habe.euskadi.eus/s23-4728/eu/contenidos/informacion/irakasleak/eu_9720/irakasleak.html


Euskaltegiak:

http://www.habe.euskadi.eus/s23-4728/eu/contenidos/informacion/euskaltegiak/eu_9719/euskaltegiak.html

Curriculumak:

<http://www.habe.euskadi.eus/informazioa/helduen-euskalduntzearen-oinarriak/s23-4728/eu/>

Euskara-egiaztagirien baliokidetzak:



http://www.habe.euskadi.eus/s23-4728/eu/contenidos/informacion/tituluen_baliokidetza/eu_titbalio/tituluen_baliokidetza.html